



Öldutúnsskóli

Skólareglur og samskipti

**Umgengnis- og ástundunarreglur ásamt
skýringum á viðbrögðum ef frá þeim er vikið**

**VIRÐING
VIRKNI
VELLÍÐAN**

Leiðarljós í samskiptum

Í Öldutúnsskóla er lögð áhersla á gagnkvæma virðingu allra sem þar nema og starfa. Allir eiga rétt á að njóta öryggis, vera lausir við stríðni, meiðingar, hrekki og einelti.

Skólareglur Öldutúnsskóla hafa það að markmiði að skapa nemendum og starfsmönnum góðan vinnustað svo allir fái notið sín í góðum vinnufriði og hlýlegu andrúmslofti. Leitast er við að leiðbeina nemendum um ásættanlega hegðun með uppbyggilegum hætti.

Markalínur góðrar hegðunar og framkomu mótast af almennum kurteisisreglum og engum á að vera ofviða að virða þær. Reglur skólans eru byggðar upp í samræmi við einkunnarorð skólans og viðbrögð við brotum á þeim miða að því að byggja upp, stuðla að jákvæðri hegðun og rækta persónuþroska nemenda.

Ár hvert eru skólareglurnar kynntar nemendum og foreldrum. Þær eru birtar í starfsáætlun og á vefsíðu skólans

Umsjónarkennarar fjalla um þær, þýðingu þeirra og hlutverk með nemendum sínum eins oft og þurfa þykir og þær skal endurskoða reglulega.

Skólareglurnar og afleiðingar við brotum á þeim eru unnar með hliðsjón af *Lögum um grunnskóla nr. 91/2008* og *Reglugerð um ábyrgð og skyldur aðila skólasamfélagsins í grunnskólum nr. 1040/2011*.

Í reglugerðinni eru skilgreind markmið sem hafa skal að leiðarljósi við gerð og úrvinnslu mála í grunnskólum. Úrvinnsluferli Öldutúnsskóla er samkvæmt þeim og þeim áherslum sem eru lagðar um réttindi og skyldur þeirra sem í skólanum nema og starfa ásamt foreldrasamfélaginu. Helstu markmiðin eru: Nemendur geti notið bernsku sinnar í öruggu umhverfi, taki ábyrgð á eigin námi, hegðun og samskiptum eftir aldri, stuðla að góðu samstarfi heimila og skóla, trausti í skólasamfélaginu, gagnkvæmri virðingu og samábyrgð. Halda uppi námsaga með hliðsjón af mannréttindum og jafnrétti. Viðbrögð við úrlausn mála ýti undir jákvæða hegðun og miðið að því að rækta persónuþroska og hæfni nemenda. Í reglugerðinni er einnig kveðið á um ábyrgð, réttindi og skyldur, nemenda, foreldra og starfsfólks og segir m.a.:

Ábyrgð, réttindi og skyldur nemenda

- Nemendum ber að hlíta fyrirmælum starfsfólks skóla.
- Nemendur eiga rétt á því að láta skoðanir sínar í ljós í málum sem þá varðar.
- Nemendur bera ábyrgð á eigin námi, framkomu sinni og samskiptum við skólasystkini sín og starfsfólk skóla.
- Nemendur skulu sækja grunnskóla nema veikindi eða önnur forföll hamli.

Ábyrgð, réttindi og skyldur foreldra

- Foreldrar bera ábyrgð á uppeldi barna sinn. Þannig bera foreldrar einnig, ásamt börnum sínum, ábyrgð á hegðun þeirra og framkomu gagnvart samnemendum og starfsfólki skóla. Foreldrar eiga að bregðast við afleiðingum á hegðun barna sinna í skóla.

- Foreldrar gæta hagsmuna barna sinna og ber að stuðla að því að þau stundi nám sitt.
- Foreldrum ber að greina skólanum frá þeim þáttum sem kunna að hafa áhrif á námsframvindu, ástundun og hegðun.
- Foreldrum er skylt að vinna að lausn mála í samstarfi við skóla, sérfræðipjónustu og fræðsluyfirvöld sveitarfélaga þegar misbrestur verður á hegðun og framkomu barna þeirra.

Ábyrgð, réttindi og skyldur starfsfólks skóla

- Starfsfólk skal ávallt bera velferð nemenda fyrir brjósti og leggja sig fram um að tryggja nemendum öryggi, vellíðan og vinnufrið.
- Starfsfólki ber að stuðla að jákvæðum skólabrag og starfsanda í öllu skólastarfi.
- Skólastjórnendum og kennurum ber að eiga samstarf við foreldra um hegðun, líðan og samskipti barna þeirra.
- Starfsfólk skóla skal ávallt bera velferð nemenda fyrir brjósti.
- Umsjónarkennarar skulu upplýsa foreldra reglulega um skólabrag og bekkjarbrag og leita eftir uppbyggjandi samstarfi við foreldrahópinn um hvorutveggja.

Skólareglur

- ✚ Verum stundvís.
- ✚ Komum með öll nauðsynleg gögn og áhöld í skólann.
- ✚ Verum kurteis og sýnum ábyrgð og tillitssemi.
- ✚ Við leggjum ekki aðra í einelti.
- ✚ Göngum vel um skólann og umhverfi hans.
- ✚ Hlítum verkstjórn starfsfólks.
- ✚ Göngum hljóðlega um og spillum ekki vinnufriðnum.
- ✚ Förum vel með eigur okkar og annarra.
- ✚ Förum ekki út fyrir skólalóðina á skólatíma nema með sérstöku leyfi.
- ✚ Við notum ekki tóbak né önnur vímuefni.

**Minumst þess að skólinn er vinnustaður okkar þar sem allir
þurfa að taka ábyrgð á framkomu sinni og verkum.**

Skólareglur og aðrar umgengisreglur Öldutúnsskóla

Nánari skilgreining á skólareglum, umgengni o.fl.

- ✚ Nám er vinna og til að sú vinna skili árangri ber sérhverjum nemanda að taka tillit til annarra og virða vinnufrið í kennslustundum.
- ✚ Nemanda ber að standa við þær námsáætlanir sem honum hafa verið settar, koma vel undirbúinn og mæta með þau gögn og áhöld sem til er ætlast.
- ✚ Sælgæti, tyggjó og gosdrykkir eru ekki leyfðir í skólanum nema á skólaskemmtunum. Öll neysla matar og drykkja, annarra en vatns, í kennslustofum unglunga er óheimil.
- ✚ Óþarfa tæki að mati kennara eru óheimil í kennslustundum. Farsímanotkun er ekki leyfð á skólatíma.
- ✚ Nemendur skulu ganga frá skóm í skóhillur eða skápa og hengja yfirhafnir í fatahengi í forstofu og/eða við kennslustofur. Skólinn tekur enga ábyrgð á fatnaði sem skilinn er eftir í forstofu, búningsklefum eða skólabíl.
- ✚ Hjólum ekki á skólalóðinni. Komi nemandi á reiðhjóli/hlaupahjóli í skólann er það á hans ábyrgð og skal það geymt læst í þar til gerðum hjólastandi. Nemendur á miðstigi geta verið á hjóli á ákveðnu svæði í frímínútum.
- ✚ Á skólatíma eiga nemendur ekki að fara út af skólalóðinni nema með sérstöku leyfi. Það sérstaka leyfi hafa nemendur í 8. til 10. bekk og þeir sem eiga leið í leikfimi og sund. Skólinn getur ekki tekið ábyrgð á þeim sem fara út fyrir lóðina í heimildarleysi.
- ✚ Nemendum unglingadeildar er heimilt að vera inni í frímínútum og í matartímum svo fremi sem þeir ganga snyrtilega og hljóðlega um. Nemendur í 1. til 7. bekk eru alla jafna úti í frímínútum.
- ✚ Snjókast leyfum við ekki nema sem leik á afmörkuðu svæði á lóð skólans samkvæmt leiðbeiningum starfsmanna.
- ✚ Notkun tóbaks, nikótíns, rafretta og neysla hvers kyns vímuefna er bönnuð í skólanum, á skólalóðinni og í nágrenni skólans á skólatíma og hvar sem nemendur eru á vegum skólans. Samkvæmt landslögum er grunnskólanemendum óheimilt að neyta vímuefna og brot geta varðað brottvísun úr skólanum.
- ✚ Notkun skotelda er bönnuð í skólanum og á skólalóðinni. Verði nemandi uppvís að notkun skotelda í skólanum eða á skólalóðinni á skólatíma getur það varðað brottvísun.
- ✚ Í nemendaferðum á vegum skólans gilda skólareglurnar og gerist nemandi sekur um alvarlegt brot á skólareglum eða lögum er hann sendur heim á kostnað forráðamanna sinna.

Málsmeðferð vegna brota á reglum

Gerist nemandi brotlegur við reglur skólans er unnið samkvæmt eftirfarandi vinnureglum sem gerðar eru með hliðsjón af *Lögum um grunnskóla nr. 91/2008* og *Reglugerð um ábyrgð og skyldur aðila skólasamfélagsins í grunnskólum nr. 1040/2011*.

Munnleg áminning

Nemandi er áminntur og fær tækifæri til að leiðrétta framgöngu sína. Starfsmaður rifjar upp og æfir með nemanda þá reglu sem gildir um viðeigandi framkomu.

Atvik skráð í dagbók Mentor

Fari nemandi ekki að fyrirmælum samkvæmt ofanskráðu er atvikið skráð í dagbók Mentor. Starfsmaður sem kemur fyrst að málinu leitast við að leysa það strax með samtali. Haft er samband við foreldra ef ástæða þykir til. Nemandi er upplýstur um að atvikið verði skráð og foreldrar fá skilaboð þegar skráningu er lokið. Umsjónarkennari/faggreinakennari hefur samband við foreldra (sítleiðis eða boðar til fundar, eftir eðli og umfangi skráninga) þegar nemandi er kominn með fimm skráningar.

Alvarlegt brot

Atvikið skráð og umsjónarkennari upplýstur strax. Foreldrar eru einnig upplýstir um atvikið og boðaðir til fundar af stjórnanda. Nemandi getur átt það á hættu að vera vísað úr kennslustund án frekari fyrirvara. Einnig kemur til álita að veita nemanda skriflega áminningu á fundi með foreldri og/eða kallað eftir því að foreldrar sæki barn sitt. Ef nemandi veldum öðrum skaða eða eignartjóni er heimilt að víkja honum ótímabundið úr skóla. Það er þó ekki gert fyrr en aðrar leiðir hafa verið reyndar. Dæmi um alvarleg brot: Stöðug truflun á kennslu, ofbeldi, skemmdarverk, þjófnaður, vopn, brunakerfi sett af stað, hótanir, reykingar, notkun nikótíns eða önnur vímuefnaneysla.

Málið til skólastjóra

Verði ekki breyting á framkomu við ofangreindar aðgerðir er málinu vísað til skólastjóra sem leitar úrlausna í samvinnu við umsjónarkennara, foreldra, ráðgjafa, skólaþjónustu mennta- og lýðheilsusviðs og annarra sem málið kann að varða. Skólastjóri getur ákveðið að aðrir fagaðilar komi að málinu s.s. námsráðgjafi, sérkennari eða sálfræðingur á öllum stigum málsins.

15. gr. Þegar málið er komið á þetta stig er brottvísun úr skóla ein af þeim leiðum sem koma til greina meðan verið er að leysa málið. Þó skal ávallt fullreyna áður aðrar úrlausnarleiðir.


Áður en ákvörðun um brottrekstur nemanda er tekin skal gefa foreldrum kost á að kynna sér gögn sem liggja til grundvallar fyrirhugaðri ákvörðun og koma á framfæri athugasemdum og andmælum, skv. 13. gr. stjórnáskilslutlaga.

- Meðan mál er óútkljáð getur skólastjóri vísað nemanda úr skóla um stundarsakir eða ótímabundið, enda tilkynni hann formlega foreldrum nemanda og mennta- og lýðheilsusviði tafarlaust þá ákvörðun.
- Nemanda skal að jafnaði ekki vikið úr skóla lengur en eina viku sé um að ræða tímabundna brottvísun. Ef fyrirsjáanlegt er að skólastjóra takist ekki að leysa vanda nemanda á þeim tíma skal hann vísa málinu til mennta- og lýðheilsusviðs sem beitir sér fyrir lausn málsins í samráði við sérfræðipjónustu sveitarfélaga í samstarfi við foreldra.
- Óheimilt er að víkja nemanda að fullu úr skóla nema honum hafi verið tryggt annað kennsluúrræði.

Takist ekki að leysa málið getur hvor aðili, foreldri eða skólanefnd, vísað ágreiningi til úrlausnar og úrskurðar mennta- og menningarmálaráðuneytisins.

Eftirfarandi lögbrot á skólatíma eiga að tilkynnast til lögreglu:

- **Ofbeldi:** Kynferðislegt ofbeldi, líkamlegt ofbeldi, líkamsárás þar sem brotþoli verður fyrir alvarlegum meiðslum, áfalli eða með hættulegri aðferð.
 - Alvarleg meiðsli teljast t.d. beinbrot, tannáverkar, höfuðmeiðsli og augnáverkar.
 - Hættuleg aðferð telst t.d. þrenging að öndunarvegi, spark í höfuð eða beita/ógna með vopni.
- **Vímuefni:** Notkun, dreifing eða sala vímuefna á skólalóð.
- **Skemmdarverk:** T.d. rúðubrot, veggjakrot, innbrot í tölvukerfi skóla, íkveikjur og önnur skemmdarverk á eignum skólans þar sem tjón er umtalsvert.
- **Þjófnaður:** T.d. innbrot (einnig í tölvukerfi skóla), þjófnaður á munum/gögnum skólans þar sem tjón er umtalsvert t.d. tölvur, tölvubúnaður, hljóðfæri o.þ.h.
- **Vopn:** Að vera með vopn á skólalóð, í skóla eða í frístundastarfi.



Dæmi um úrræði þegar nemendur geta ekki eða vilja ekki bæta hegðun sína

- ✚ Nemandi vinnur námsverkefni sín í tiltekinn tíma án samneytis við félagaga og án þess að fara í frímínútur og matartíma með þeim.
- ✚ Umbunarkerfi.
- ✚ Gerður hegðunarsamningur með skilyrðum.
- ✚ Reglulegir stöðufundir umsjónarkennara með forráðamönnum.
- ✚ Aðstoð og viðtöl námsráðgjafa.
- ✚ Tilvísun í sérúrræði.
- ✚ Tilkynning til barnaverndaryfirvalda.
- ✚ Tilvísun til skólasálfræðings.
- ✚ Nemanda vísað til skólahjúkrunarfræðings, t.d. vegna reykinga, vímuefnaneyslu eða annarrar áhættuhegðunar.
- ✚ Nemandi fluttur á milli hópa innan árgangs.
- ✚ Nemanda útveguð vinna tengd skólastarfinu (Innherji).
- ✚ Foreldrar fylgi nemendum í skólanum í tiltekinn tíma.
- ✚ Foreldrar sækja barn sitt í skólann.
- ✚ Forréttindamissir.
- ✚ Nemanda útveguð skólavist í öðrum skóla.
- ✚ Stundaskrá nemanda skert.
- ✚ Annað ótalið hér að framan.